

ქართული
ზინჯიროთქვა

მეფემსი

1883-1886.

—**«მეფემსი»** დამატებით გამოდის თვეში ხუთჯერ, ყოველი თვის ათს, ოცს და ოც და ათ რიცხვებში **»**—

**დღეასაწაულების ბაჟი «მეფემსის» მე № 7-მა რუ
სული დაგატავით სამი ღლით დაიგვიანა.**

**ქნელი დრო დაგვიდა და რა ზოგები უნდა
ვიხმაროთ ხალხში ზნეობის ასაბაღლებლად.**

სტატია მეორე.

აგერ თხუთმეტი საუკუნე იქნება, რაც ქართველები მართლ-მადიდებელ ქრისტიანობას აღიარებენ და ვინ არ იცის, თუ რამდენი სისხლია მათგან დაღვრილი ამ სარწმუნოებისათვის, რამდენი მხევრპლია შეწირული, რამდენი ძნელი და გამოუთქმელი წვალება და ტანჯვა მიუღიათ მათ ამ დროის განმავლობაში თავიანთ მეზობელ უწყალო მტრებისაგან, რომელთათვის ქრისტიანების ამოკლეთა და ყოველივე ქრისტიანულის აღმოფხვრა ნიშნავდა მათი მოვალეობის მტკიცეთ აღსრულებას და მასთან ისინი დარწმუნებულნი იყვნენ, რომ რამდენათაც ბევრს სისხლს დაღვრიდნენ ქრისტიანებისას, იმდენად მეტ ჯილდოს მიიღებდნენ იმ სოფელში. ამასთანავე ქართველები იბრძოდნენ თავიანთ საყვარელი სამშობლოსათვისაც, მაგრამ სამშობლოს და სარწმუნოების შორის სამზღვარი არ ილა: ქრისტეს სარწმუნოება და სამშობლოს სიყვარული ისე მტკიცეთ იყო შეკავშირებული ყოველი ქართველის გულში, რომ მათი დაცილება არ შეიძლებოდა. ქართველის ფიქრით ის ქრისტიანობასთან ჰკარგავდა თავის არსებობასაც. თანასწორად ამისა იმისი სამშობ-

ლოს სხვის ხელში ჩაგდება ნიშნავდა მის სიკვდილს და ამიტომ ის ასე უშიშრად ხედებოდა თავის სამშობლოს და თავის მართლ-მადიდებელი სარწმუნოების მტერს. ხშირად ამისთანა გამბედაობა ძვირათ უჯდებოდათ ქართველებს, მაგრამ ისინი ანთხვედნენ თავიანთ სისხლს როგორც სამშობლოს ნამდვილნი შეიღნი და ჭეშმარიტი ქრისტიანნი. მაშინდელი ქართველის სარწმუნოება იყო სამაგალითო, სარწმუნოება სამ პიროვანი ღვთისა მტკიცეთ იყო გამოჯდარი მის სულში. მს ცხოველი სარწმუნოება ამოკმედებდა ქართველს. შოველს თავის მოკმედებაში მას წინ უძღოდა მისი სარწმუნოება და აქედამ ცხადია, რომ მისი ზნეობა იყო მაღალი. ძველი ქართველის სულს სძაგდა ყოველივე ბოროტება და ცუდი მიდრეკილებანი. მს ასეც უნდა ყოფილიყო: სადაც არსებობს ნამდვილი ჭეშმარიტი სარწმუნოება ღვთისა და ქრისტე მაცხოვრისა, იქ კაცი გრძნობს მისწრაფებას ცისადმი და საუკუნო ცხოვრებისადმი და მეცადინეობს მოიქცეს ისე, რომ შემდეგ ამ ქვეყნიური მოკლე ცხოვრებისა ღირსი გახდეს ღვთის სასუფეველისა, მაშინ ყოველ კაცის მოკმედებას ადევს ღვთიური ბეჭედი წესიერებისა. ამისთანა ხალხში ურთიერთ შორის დამოკიდებულება, მოკმედება და აზრი ნამდვილი ქრისტიანულია და კეთილშობლიური. ჩვენი წინაპარნი ყოველ თავის მოკმედებას ათანხმებდნენ სარწმუნოების მტკიცე სჯულს, რომელიც კაცისთვის უფრო სასარგებლო და უტყუარი ზომაა. მათის აზრით ყოველივე პატიოსანი იყო აგრეთვე სასარგებლოც. კიდევ რომ სასარგებლო ყოფილიყო რამე, თუ კი ის ცოტათი მაინც წინააღმდეგი იყო პატიოსნებისა და უანგაროებისა, მათ ის სასარგებლოდ არ მიაჩნდათ. ძველი ქართველები



დიდს პატივსა სცემდნენ ყოველივე ლეთიურს, ღირსეულს პატივსა და თაყვანსა სცემდნენ იმას, რაც დანიშნული იყო პატივისა და თაყვანის საცემლად. ამავე დროს მათ ეზარებოდათ ყოველივე ლეთის მცნების წინააღმდეგი მოქმედება. კაცში ისინი ხედავდნენ ლეთის მზგავსებას და ხატებას და ამიტომ კაცის პიროვნებას დიდს პატივსა სცემდნენ. აი როგორნი იყვნენ ჩვენი წინაპარნი, აი ვისი შვილები ვართ ჩვენ. მაგრამ, საუბედუროდ, ჩვენ როგორიღა ვართ? ღღეს ჩვენში არ მოაპოვებია არცეთი ის კარგი თვისებანი, რომლებიც ჩვენს წინაპრებში იყო. ღღეს ჩვენში მტკიცე ფესვი აქვს გადგმული ყოველივე ბიწიერებას და უკანონო მისწრაფებას, რომ იღებიც ჩვენს წინაპართ სძულდათ და ეზიზღებოდათ. მართალია, ამ ჩვენს დროშიაც ეხედათ ზოგიერთ სანუგეშო მაგალითებს, მაგრამ ჩვენ წინაპრებთან შედარებით, ეს სანუგეშო მაგალითები დიდათ შესამჩნევი არ არიან. ჩვენი წინაპრების დროს ყოველივე კეთილისადმი მისწრაფება საზოგადო კანონი იყო. ისინი ერიდებოდნენ ყოველივე ცუდს და ლეთის წინააღმდეგს, ხოლო ჩვენ დროს ბოროტებისადმი მისწრაფება შეადგენს საზოგადო კანონს, და ლეთისადმი მისწრაფება კი ძვირი მოვლენა არის.

როგორ დავკარგეთ ჩვენ ის ღრმა, ნამდვილი და ცხოველი სარწმუნოება, რომელიც გადმოგვცეს ჩვენ ჩვენმა წინაპრებმა როგორც უძვირფასესი საუნჯე, რომელიც დაიცვეს მათ დიდის შრომით და სისხლის დაღვრით? ღღეს ყველა დარწმუნებულია, რომ ეს ძვირფასი საუნჯე ჩვენ დავკარგეთ. ჩვენი წინაპრების მტკიცე და ცხოველი სარწმუნოებისაგან ზოგიერთებში ღღეს კიდევ დარჩენილა მცირე ჩრდილი; მაგრამ, საუბედუროდ, ეს მცირე ჩრდილიც ყველაში ერთ ნაირად არ მოაპოვება. ბევრნი არიან, რომლებშიაც სარწმუნოების ხსენებაც არ არის. კაცში თუ კი არსებობს ნამდვილი ცხოველი სარწმუნოება ლეთისა, მაშინ მასში, კაცში, ზოგიერთი მოთხოვნებიც არიან, რომელნიც ისე ითხოვენ დაკმაყოფილებას, როგორც ჩვენი სხეულის მოთხოვნები იყვნენ. თუ კაცში არსებობს ნამდვილი სარწმუნოება, მაშინ მისთვის საჭიროა ლოცვა, ეკლესიაში სიარული ლეთის მსახურების მოსასმენად, წმიდა ადგილების თაყვანის ცემა; აგრეთვე თაყვანის ცემა წმიდანების ნაწილებისა და კეთილი საქმეების გამრავლება და სხვ. ყოველივე ეს ისე ასაზრდოებს და აძლიერებს კაცში სარწმუნოებას, როგორც კარგი სასმელ-საჭმელი ასაზრდოებს კაცის სხეულს.

რამდენათაც კაცში ძლიერია ლოცვისა და კეთილი საქმეებისადმი მისწრაფება, იმდენად ძლიერია მასში სარწმუნოება. მაგრამ ეს მოთხოვნილება და მისწრაფება ღღეს ძლიერ დახშულია ჩვენში. შბრალო ხალხშიც, რომელშიაც ლოცვისადმი მისწრაფება ძლიერი და უფრო მტკიცე უნდა იყოს, აღარ ლოცვილობს, არა გრძნობს ამის მოთხოვნილებას. ის არა თუ დაწოლის და ადგომის დროს არ ლოცვილობს, არამედ უგულოდ და ხან სრულებითაც არ დაიარება სალოცავად ეკლესიაში. ამ სამწუხარო მოვლენამ ამ უკანასკნელ დროს ისე საგრძნობელად იჩინა თავი, რომ მთავრობა იძულებულია გამოაცეს სხვა-და-სხვა განკარგულებანი და იხმაროს პოლიციის ძალა, რომ ხალხმა იაროს ეკლესიაში ღღესასწაულ და კვირა დღეებში მინც, როდესაც ეს ხალხი ცუდ უბრალოდ ატარებს დროს. ამაზე შეიძლება ვინმემ გვიპასუხოს, რომ ლოცვა არამც თუ საჭირო არ არის და არ ამტკიცებს კაცის სარწმუნოებას, არამედ ის, ლოცვა, სრულიად მეტია. ლოცვა არა თუ სასიამოვნო არ არის ლეთისათვის, არამედ ლოცვა შეუტაცებებს ლეთის ყოველად მეცნიერებას, მის განუსაძღვრელ მოწყალებას. ლმერთმა, ბრძანებენ ამ გვაჩი პირები, უწყის ჩვენი საჭიროებანი და მაშასადამე რაღა საჭიროა ჩვენი თხოვნა. ლმერთი ყოველად მოწყალება და ამიტომ არ არის საჭირო ვთხოვოთ მას მოწყალება. ამისთანა პირების გასამტყუნებლად საკმაოა შეენიშნოთ, რომ ლოცვას ითხოვს ჩვენგან ერთის მხრით თვით ლმერთი, ხოლო მეორეს მხრით თვით ჩვენი ბუნება. ჩვენი სარწმუნოება გვამცნებს, რომ ჩვენ არ შეგვიძლია ესცნოდეთ, თუ არ მივიღებთ ლეთის მადლს; ხოლო ლეთის მადლის მიღება შეგვიძლია მხოლოდ ლოცვის საშუალებით. ილოცვიდეთ, ამბობს მოციქული იაკობი, ხოლო ილოცვიდეთ სარწმუნოებით და ნუ რჩევდებით. აგრეთვე ნათქვამია საღმრთო წერილში: რამეთუ თვინიერ ჩემსა არა რა ძალ-გამოსთ ყოფად არცა ერთი (იოან. 15, 5). მარადის ილოცვიდეთ. (ლუკ. 18, 1). ამინ, ამინ გეტყვით თქვენ, რამეთუ რამდენიც რა სთხოვოთ მამასა სახეღითა ჩემითა, მოგცეს თქვენ, აქამამდე არა რა გითხოვოთ სახეღითა ჩემითა; ითხოვდით და მიიღოთ (იოან. 16, 23-24). მანა ამ სიტყვებისაგან არა სჩანს, რომ ლეთის შემწეობის მისაღებად, თვით ლმერთი გვიბრძანებს, რომ მივიქცეთ მისდამი ლოცვით? ლოცვის საჭიროება ისე ცხადია, რომ საღმრთო წერილშიაც რომ არ იყოს ეს ნაჩვენები, ამის მისახვედრად საკმაო



იყო ჩვენი გონება. ლოცვით ვუახლოვდებით ჩვენ ღმერთს, ლოცვით ვტყობილობთ მის დიდებას და ჩვენ მასთან დამოკიდებულვას. ჩვენ უნდა ვილოცო-ვიღეთ ჩვენი ბუნების მოთხოვნებიცა გამოც. ბანაკაციისათვის ბედნიერება არ არის მის საყვარელ მეგობართან მუსაიფი? ბანა სასიამოვნო არ არის სულისათვის, რომ მან მადლობა შესწიროს თავის კეთილ მყოფელს? ლოცვაც მუსაიფია სულისა ღმერთთან. აქედამ ცხადია, რომ ჩვენ უნდა ვილოცოთ, თუ გვინდა ჭეშმარიტი ქრისტიანე ვიყოთ. ჩვენ უსაყვედურეთ ჩვენს უბრალო გაუნათლებელ ხალხს, რომ ის აღარ ლოცვილობს, მაგრამ რა უნდა ვთქვათ ამის შესახებ იმ პირებზე, რომელთაც განათლება მიუღიათ და განზორებით წინა დგანან გაუნათლებელ ხალხზე? ამითში უფრო სამწუხარო ფაქტებს ვხედავთ: ესენი სრულებითაც არ ლოცვილობენ და არ დაიარებიან ეკკლესიაში ღვთის მსახურების მოსა-სმევად. ზოგიერთები პატარაობიდან გადასჩვევიან ლოცვას, პირზე-ჯვრის გამოხატვაც აღარ შეუძლიათ და ეკკლესიის გზა ხომ სრულებით დავიწყებიათ. ღიად, ამით დავიწყებიათ ლოცვა და არ იციან, თუ რა უნდა სთხოვონ ღმერთს, მაგრამ ამასთან მათ არ დავიწყებიათ ჭამა, ჩაცმა და დახურვა! რა არის ამის მიზეზი? ამის მიზეზი განლაგს ურწმუნოება, რომლითაც მათი სული გარემოცულია. ამ ურწმუნოებას აღმოუფხვრია მათი სულიდგან ყოველი კეთილი გრძობა, მაგრამ ამავე დროს სხეულის ყოველივე მოთხოვნილებანიც კმაყოფილებას იღებენ და ფუფუნებაში არიან. როდესაც ამისთანა პირები ავით არიან, განა საჭიროებენ ისინი სწავლებას, რომ სთხოვონ ვისმეს მორჩინა? როცა მათ შიათ, განა საჭიროა სწავლება, რომ საჭმელი ითხოვონ? სრულებითაც არა. აგრეთვე მათ ეცოდინებოდათ ლოცვა, რომ მათში მთლათ არ გაქრობილიყო სარწმუნოება, რომელიც იწოდებს კაცს, რომ ლოცვას საშუალებით გააღვიძოს თავის თავში წმიდა აზრები და კეთილ-მობლიური სურვილნი, გაასწოროს თავის გულის ცუდი ვნებანი და ერიდოს ცოდვებს. თუმცა ზოგიერთი ამ პირებთაგანი ზოგჯერ შევლენ ხოლმე ეკკლესიაში, მაგრამ ისიც უსაქმობისა გამო და ანუ სულ სხვა მიზნით. ჭველაზედ უფრო ის არის გასაკვირველი, რომ ქალებშიაც დახშულია ლოცვის მოთხოვნილება, რომელიც დიდი სადავითა განსაკუთრებით სუსტ არსებათათვის, როგორნიც არიან ქალები. ეს მოვლენა მით უმეტეს სამწუხაროა, რომ ახალი თაობა, რომელიც იზრდება ამისთანა დედებისაგან, რომელთა ერთად იღებენ დედებისაგან ურწმუნოებას. ამისთანა დედები სრულებით არ მეცადინობენ, რომ თავიანთი ცხოველი მაგალითებით ჩანერგონ თავიანთ შვილების სულში ნამდვილი საფუძველი სარწმუნებრივი გრძობისა: ისინი ადგებიან დილას თუ არა, მის მაგიერ რომ თავის შვილებით დადგენ ხატის წინ და ილოცონ, გარბიან პირ-და-პირ სარკესთან და ჩაცმა გამოპრანჭვას შეუდგებიან. სამწუხაროდ ოთახში ხატიც არ უკიდათ. ზოგჯერ განათლებულ პირთა ოჯახებში ხატების მაგიერ თქვენ ხედავთ ტიტველ ქალების სურათებს.

თ ბ ი ლ ი ს ი დ ა მ.

მ. თბილისის ღარიბ მცხოვრებთ მომეტებული ნაწილი მართველი მუშა ხალხია, რომელიც დღიურ ლუკმას ძლივს ძლივობით შოვობს. ეს ხალხი ნივთიერად ისეა შევიწროებული, რომ თავის შვილების გამოზრდა არ შეუძლია. ამიტომაც თბილისის სასწავლებლებში ძვირათ ნახავთ ამ ღარიბი მართველების შვილებს. მინ იღებს ამ სკოლებში განათლებას? თბილისის ყველა საშუალო და დაბალი სასწავლებლებში თბილისის გარეშე მცხოვრებლების შვილები სწავლობენ. სასულიერო სემინარია და სულ ქალაქის გარეშე მცხოვრებლების შვილებით არის სავსე, ალექსანდროვის ინსტიტუტში ხუთი მოწაფე თუ იქნება ქალაქელი, თორემ სულ გარეშე სოფლების მცხოვრებთ შვილებით არის სავსე. გემნაზიებზედაც ესევე შეიძლება ვსთქვათ. მართის სიტყვით ამ სასწავლებლებში თბილისის ღარიბ მუშა ხალხის შვილებს ასში თუ ერთს შეხვდებით, ისიც კარგია. ამ მხრით სომხები უფრო წინ არიან ჩვენზე. მათ წინეთაც და დღესაც აქვთ ბლომად საეკკლესიო-სამრევლო სკოლები, სადაც ღარიბი სომხის შვილები სწავლობენ წერა-კითხვას. მართალია, ამ სკოლებში დიდ სწავლას ვერ იღებენ მოსწავლენი, მაგრამ ცოტა წერა-კითხვას მაინც სწავლობენ და ესეც კარგია. ამ სკოლებში უფრო კარგად წავიდოდა საქმე, რომ მართულს ენაზე სწარმოებდეს სწავლება. უმეტესად სომხების გლეხ კაცობას თავის ენად მართული ენა აქვს მიღებული და საზოგადოდ თბი-

ლისში ბევრი არ მოიძებნება ისეთი ოჯახები, სადაც დიდიდამ პატარამდის სომხურ ენაზე ლაპარაკობდნენ.

მაგრამ სომხის «პატრიოტები» ამას ყურადღებას არ აქცევენ და სკოლებში აღკრძალული აქვსთ ძართული ენა, წერა-კითხვა და გარდა ამისა ძართულად ლაპარაკსაც უშლიან მოწაუფებს სკოლაში. ამით ისინი დიდ დაბრკოლებას აძლევენ სწავლის საქმეს.

თბილისის ძართველ გლეხკაცობას სამაგალითოთ მიიჩნია სომხების სამღვდელოების მოქმედება და ამბობს, რომ სომხის სამღვდელოება უფრო იღწეის თავის მრევლზე, ვინემ ჩვენი მღვდლებია. სომხის მღვდლები მუქთად ასწავლიან ყმაწვილებს, წიგნებს მუქთად ურიგებენ მოსწავლეთ და გარდა ამისა ერთი ისეთი საზოგადოებაც არსებობს მათში, რომლის საშუალებით ღარიბი კაცის გასათხოვარ ქალებს მზითევსაც აძლევენო. ასე სჯიან ქ. თბილისის ღარიბი ძართველები, და მართალი უნდა მოგახსენოთ, რომ ისინი არც კი სტყუიან თავიანთ შეხედულობაში. ამ სომხების სამღვდელოების წყალობით თბილისის ღარიბ მცხოვრებლების შეილებს დიდი შემწეობა ეძლევათ; საეკკლესიო-სამრევლო სკოლებში ღარიბი სომხების შეილები სწავლობენ წერა-კითხვას და ანგარიშს და ამ მცირე სწავლის საშუალებითაც ლუკმა პურს მოგობენ და უბრალოდ არ დაწანწალობენ ქუჩა-ქუჩა. ჩვენ სამღვდელოებასაც რომ ამ გვარი სკოლები ქონდეს გახსნილი ქალაქის ეკკლესიებთან, მაშინ ამისთანა სკოლებში ბევრ იმისთანა მშობლების შეილები მიიღებდენ სწავლას, რომლებთაც შეძლება არა აქვსთ, რომ სხვა სასწავლებლებში შეიყვანონ შეილები და სწავლისთვის ფულები იხადონ. ამ სკოლების უმექონელობისა გამო უმეტესი ღარიბი ძართველების შეილები უსწავლელნი რჩებიან და ამის გამო იძულებულნი არიან პატარაობიდან მიეჩვიონ ქუჩა-ქუჩა თრევას და ჭურღობას.

თბილისის მართლ-მადიდებელ ეკკლესიებს იმდენი საშუალება მოენახებათ, რომ თითოეულ ეკკლესიასთან თუ არა, ზოგიერთან მაინც იქმნეს დაარსებული საეკკლესიო-სამრევლო სკოლა. რაც შეეხება სწავლას ამ სკოლებში, ამას კარკათ შეასრულებს ჩვენი ქალაქის სამღვდელოება, რადგან უმეტესი მათგანი სემინარიაში სწავლა მიღებული არიან.

როცა საეკკლესიო-სამრევლო სკოლების წესდება გამოიცა და მართლ-მადიდებელი სამღვდე-

ლოება მიწოდებულ იქმნა, რათა მასაც მონაწილეობა მიეღო სწავლა-განათლების საქმეში, აქაურ ღარიბ ხალხს დიდი იმედი მიეცა, მაგრამ მათი იმედი გამტყუნდა. მთელ თბილისში მარტო ორ ადგილს იხსნიან საეკკლესიო-სამრევლო სკოლები: ერთი სკოლა გაიხსნა ავლაბარში მღვდლის სოლომონ შოშიევის მეცადინეობით და მეორეც ტუკიაში. ორი ამ გვარი სკოლა გაიხსნება რუსებისათვის. ორი სამრევლო სკოლა საკმაო არ არის თბილისის ღარიბ ძართველებისათვის. საჭიროა, რომ ვერის ორ ეკკლესიას ქონდეს ერთი სამრევლო სკოლა, რადგანა ვერაზედ უმეტეს ნაწილად სცხოვრებენ სხვადასხვა სოფლებიდან გადმოასახლებულნი გლეხები. აგრეთვე საჭიროა, რომ ერთი საეკკლესიო სამრევლო სკოლა გაიხსნას მთაწმიდაში და შარეთ-უბანში. აგრეთვე შეიძლება რომ ქაშვეთის, სამების და ძალოუბნის ეკკლესიებთან იქმნენ გახსნილი სამრევლო სკოლები, მით უმეტეს, რომ სამების და ძალოუბნის ეკკლესიებს არა თუ ერთი უბრალო საეკკლესიო სკოლის შენახვა შეუძლიათ, არამედ ერთი კი ორი ან სამ კლასიანი სკოლისაც, რადგან ქაშვეთის ეკკლესიას დიდი შემოსავალი აქვს საეკკლესიო სახლებიდან, ღუქნებიდან და სხვა წყაროებიდან.

იმედი გვაქვს, რომ ჩვენი მაღალ ყოველად უსამღვდელოესი პაეფე, ექსარქოსი საქართველოსა, თავის მწყემსთ-მთავრულს ყურადღებას მიაქცევს ამ საქმეს და მოვალედ გახდის ქალაქის სამღვდელოებას, რომ მან ყოველ ეკკლესიასთან საეკკლესიო-სამრევლო სკოლები გახსნას და ასწავლოს შეუძლებელ მშობელთა შეილებს.

ს მ ნ ა კ ი ს მ ა ზ რ ი დ ა მ .

ბლალოჩინი მღვ. ზ. ბერიძე გვთხოვს დაგებკლოთ გაზეთ «მწყემსში» შემდეგი მისი წერილი:

«1870 წელში მე მაკურთხეს მღვდლად და განმაწესეს სოფლის ალავერტის წმიდის ბიორგის ეკკლესიის მღვდლად. ჩემდამო რწმუნებულ სამრევლოში ბევრი ცრუ მორწმუნეობანი არსებობდნენ, მაგრამ ღვთის მოწყალებით ზოგიერთი მათგანი უკვე მოვასპობიე ხალხს. ჩემდამო რწმუნებულ ეკკლე-



სიაში იყო ერთი ჯვარის სახეთ გაკეთებული ჯაჭვი, რომელსაც თავზე ჯვარი ჰქონდა გაკეთებული. ჩემს მისვლამდე ამ ეკლესიას ჰყავდა მიჩემებული რამდენიმე კაცი, რომელთაც მებატურებს ეძახდნენ და რომელთ ხელში იყო ყოველივე ეკლესიის შემოსავალი. ზემოთ მოხსენებული ჯაჭვი, ხალხის აზრით ვითომც წმიდა ბიორგის ნაქონი იყო. როცა ვინმე შესაწირავ ფულებს მოუტანდა ხატის კაცებს შესაწირავად, ესენი აიღებდნენ შესაწირავს ფულს ხელში, შემოავლებდნენ შემომწირველს თავზე, მერე ჯაჭვის თავზე რომ ჯვარი იყო, იმაზე მოაკიდებინებდნენ მლოცველებს კბილს და შემდეგ ამ ჯაჭვში გააძვრენდნენ მათ ლოცვით. ღიდი სიცილი და ხუმრობა ასტყდებოდა ხოლმე მაყურებლებში, როცა ჯაჭვში ქალი ან კაცი ძვრებოდა. ჩემი მისვლისათანავე ეს ჯაჭვი შევინახე ეკლესიაში და არავისთვის არ მიჩვენებია. მე მეგონა, რომ ამ ჯაჭვის ხმარება კიდევ დაავიწყდა ხალხს. მსლა გავიგე, რომ ამ სამრევლოს ერთ გლეხს უყიდნია ერთი თითბრის ჯაჭვი, გაუკეთებია ის ჯვარის სახეთ, ე. ი. იმ რიგათ, როგორცის ძველი ჯაჭვი. წაუღია ეს ჯაჭვი და წასულა სოფლებში. დაუწყია ძველებური ლოცვები და მასთან ხალხს უშუცხადებდა თურმე, რომ მე გამოგზავნილი ვარო პლავერტის ეკლესიის მღვდლისაგან, რათა შევკრიბო ეკლესიის ასაშენებლად ფულები. ამ სახით ამ კაცს და მის მხლებლებს კაი ძალი ფული შეუტვრევებიათ და მოუხმარიათ თავის სასარგებლოდ. მს ამბავი შევიტყე მე. მოუწოდე იმ გლეხს, მაგრამ მან უარი სთქვა. ბოლოს ამ გლეხის სახლში ზოგიერთი სოფლის მოსამართლე და სხვა პირების თანადასწრებით მიწაში ვნახეთ ეს ჯაჭვი ჩაფლული. მს ჯაჭვი მაშინვე იმერეთის ეპისკოპოსს ბაბრიელს წარუდგინე და ესთხოვე განკარგულების მოხდენა ამის შესახებ. შოვლად სამღვდელმომ მიბრძანა, რომ ამ გლეხის შესახებ სამსაჯულოში დამეწყო საჩივარი. საჩივარი დავიწყე, მაგრამ როდის ან რით გათავდება საქმე, არ ვიცი.

მსლა შეიძლება ამავეგლებმა, ან მისი წაბადებით სხვებმა იმოენონ ამისთანა ჯაჭვები, იწყონ სოფლებში სიარული და ხალხი მოატყუონ. ამიტომ ესთხოვე ყველას, რომ, თუ ამისთანა პირი გამოჩნდეს სადმე, აცნობოს მთავრობას, ან მე მაცნობოს, რომ საჭირო ზომები მივიღო, ამასთან დაესძენ, რომ ჩემგან გაგზავნილია დღეს სოფლებში ერთი პირი, რომელსაც მიცემული აქვს ექვსი თვის ვადით და

ზორნილი და ხელ-მოწერილი წიგნი თვითყოვლად სამღვდელმო ბაბრიელისაგან ჩასაწერელად. იმავე დღე მწიგნობრით შეწირულებათა, რომელნიც დაწინშულია ზემოდ მოხსენებული ეკლესიის აღშენებისათვისა.



ადრინოკოლიდამ (რუმელიაშია).

წელს აქეთ კაი ზამთარი იყო, მაგრამ ოც დეკემბრიდამ ისეთი თოვლი მოვიდა, როგორც აქაურებს ჯერ არ უნახავთ. თოვლმა მალე იწყო დრობა. ამის გამო მდინარეები ისე აღიღდნენ, რომ გადმოვიდნენ ნაპირებიდან და დაბლობი ადგილები და სოფლები მთლად წალეკეს. ამ წყალდიდობამ გააფუტა ნათესი მინდვრები და ბევრი კაციც იმსხვერპლა. მანსაკუთრებით იანერის პირველს ისე აღიღდნენ მდინარეები, რომ ბევრი სახლები აივსო წყლითა და ბევრი მძინარე კაცი და ქალი დააღრჩო. ამ წყალდიდობამ დიდი ზიანი მისცა ერთს უბანს, რომელსაც ქირბხანს ეძახიან. მს უბანი დაბლობ ადგილზეა და მდებარეობს მდინარის ნაპირზე. ამ უბანში წყალდიდობამ ბევრი სახლები დაანგრია. ქუჩებში ნაგებით დადიოდნენ კაცები და შეგლოდნენ გაჭირვებულებს. ამ უბანში ერთი ეკლესია შუამდის მთლად აივსო წყლითა. თოვლის შემდეგ მოჰყვა გაუწყვეტელი წვიმები და დღესაც ზემოთ მოხსენებული უბანი სავსეა წყლითა.

ამ ზამთარს აქ იღვა ოსმალოს ჯარი. უნდა ესთქვა, რომ ეს ჯარი ნახევრობით შიშველ-ტიტველია. მთელს ჯარის კაცებს ქალამნები აცვიათ და საწყლებს წინდებიც არა აქვსთ, რომ ჩაიცივან, მართო ქალამანი აცვიათ ტიტველ ფეხებზე. რადგან ჯარის კაცები ნახევრობით შიშველ-ტიტველები არიან, ბევრი მათგანი ხდება ავით გაციებით და სულს აბარებს ალლახს. ჯარის კაცებისაგან აქაურებს დიდი შეწუხება ადგიათ. რადგან ჯარის კაცებს სურსათი აკლიათ და ნახევრობით მშიერები არიან, ამიტომ ძალიან აწუხებენ სოფლელებს, რომელთაც პარავენ და სტაცებენ, რაც კი მოხვდებათ მათ ხელში. თავიანთი სადგურები აქაურმა სოფლელებმა თითქმის ჯარის კაცებს დაუთმეს და თვითონ კი ბოსლებში და საბძლებში დგანან. პირველად ეს ჯარის კაცები



კარგად ეპყრობოდენ სოფლებებს, მაგრამ ამ ბოლოდროს ძალიან გამოიკვალეს თავიანთი დამოკიდებულება. შოიელ ქრისტიანს გაიუწეს ეძახიან და სადაც წაეწევიან მათ, არა ზოგვენ.

ამ დღეებში ადრიანოპოლიდამ ბირითისკენ გაიგზავნა 16 თაბური კაც (თაბურში ათასი კაცია), რადგან ამ ადგილებში მცხოვრებთ ემჩნევათ აღელვება ოსმალის წინააღმდეგ.

ბოლგარიის საქმე, როგორც გავიგე ჯარის ერთი უმფროსისაგან, ბოლოვდება ამ გვართ: რუმელია, როგორც წინეთ იყო, ისე დარჩება. შირჯილის მახრა, რომელშიაც 25-დღე მათრის სოფლებია, მათარს დაეთმობა, და დღეის იქით მათრის ჯარი ჩადგება შილიზოპოლში. ბოლგარიის კნიაზი იქნება ბოლგარიის კნიაზიც და რუმელიის გუბერნატორიც. მაგრამ რუმელებს კიდევ იმედი აქვს, რომ ბოლგარიას შეუერთდებიან და მიცემათ მათ თვითმართველობა, ამიტომ ყოველივე ქალაქს აწერენ: «სამხრეთ ბოლგარია». დღემდის რუმელები სამზღვრებს ყარაულობდნენ და დღეს კი თავი დაანებეს ყარაულობას. რკინის გზებიც გაიხსნენ და წამსვლელ წამომსვლელებს ადვილად აძლევენ ნებას. რუმელიიდგან წამოსულ მკზავრებს მათრის ჟანდარმები, რომელნიც რკინის გზის ყოველ სტანციებში არიან, უშინჯავენ ბაშპორტებს. ბაშპორტებისათვის ბევრს აბრკოლებენ, რადგან რუმელებმა გააუქმეს წინანდელი ბაშპორტის ფორმა, რომელიც სულთანისაგან ჰქონდათ მათ მიცემული. მხლა მათ ბაშპორტებს ასე აწერია: «სამხრეთ სათავადო ბოლგარიისა». წერილების მიძღვებს ფოსტაში ორჯელ შეტ ფასს ახდევინებენ თათრის ჯანდარმები.

დიდი უწესოება არსებობს რუმელიაში და ბოლგარიაში დღეს. მრთი სიტყვით მათ მმართველი არა ჰყავთ და ვინც ძლიერია, ის არის მმართველიც და მსაჯულიც. ბანსაკუთრებით სოფლებში არის დიდი უწესოება. დიდი უწესოება ხდება განსაკუთრებით სამიკიტნოებში, სადაც ხალხი იკრიბება და სჯის სხვა-და-სხვა საქმეებზე თავისებურად და ხშირად ამ ბაას ჩხუბიც მოჰყვება ხოლმე. ბოლგარებს მეტად სძულთ სხვა გვარის კაცი და ძალიან დაჩაგრული ჰყავთ ისინი. აქაურ მცხოვრებ მათრებს და ბერძნებს მათ ძალათი წაართვეს ტყეები და საძოვარი შინდერები. სხვა გვარის კაცს არ შეუძლია თავამად დაელაპარაკოს უკანასკნელ ბოლგარელს, თუ არა ასე: «ჩემო მოწყალეო ხელმწიფე». დაჩაგრულები

სამართალს ვერ ჰპოებენ ვერც სოფლის მსახურთ-ლოებში.

ინფრის თვის 23 ერთ რუმელიელ ბერძენს ბამბის თესლი მიჰქონდა ადრიანოპოლში გასასყიდლად. მათრის ჯანდარმისაგან აიღო მან ნება, ბაშპორტშიაც გაღიხადა 8 ლირა. როდესაც დატვირთა ურემი და გასწია ადრიანოპოლისაკენ, სამზღვარზე დახედნენ მას რუმელიის სოფლებები და წაართვეს ბერძენს მთლად ბამბის თესლი და ერთმანეთ შორის გაინაწილეს და საწყალ ბრძენს შტრაფიც დაადევს 12 ყურუში ბამბის თესლის თითოეულ ოყაზედ. საწყალმა ბერძენმა ბევრი უძახათ: «ჩემო მოწყალეო ხელმწიფეო», მაგრამ ვერა გააწყო რა მათთან. არეულობის წინ ბევრი თათრის ქვეშევრდომნი ბოლგარები მოიპოვებოდნენ როგორც რუმელიაში, აგრეთვე ბოლგარიაში. სერბიასთან ჩხუბის დრო ეენი ძალით წაიყვანეს ჩხუბში, მაგრამ მრავალი მათგანნი გამოეპარათ ჩხუბიდგან. ამ გამოპარულებში ორი კაცი ჩემთან მოვიდა და მიამბეს, რომ სერბიელებთან შეტაკების დროს ბევრი კაცი დაიხოცაო ორივეს მხრით. ამავი პირებმა მიამბეს, რომ ჩხუბში ბოლგარების წინააღმდეგ მონაწილეობას იღებდნენ სერბიელი ზოგიერთი ქალები, რომელნიც, ამ კაცების სიტყვით, ცულებით და კეტებით ჩხუბობდნენო.

ზემოთ მოყვანილ უბედურებათ თან დაერთო სხვა უბედურებაც. ანდრიანოპოლის მახლობელ სოფლებში გაჩნდა ერთ ნაირი სენი, ხველება, რომელიც უფრო ბავშვებს ჰკიდებს ხელს. მისაც შეხედება, გადარჩენის იმედი აღარ არის. მრთი თთვე მეტია, რაც ეს სენი მძვინვარებს სოფლებში და მრავალი ყმაწვილი გამოასალმა ამ სოფელს. საუბედუროთ მშობლებიც ხომ ექიმებთან არ მიდიან: ისინი მათრის მკითხავეებს მიაშურებენ გაჭირვების დროს. მს მკითხავებიც რალაცას სწერენ ქალაქდზედ და ჰკიდებენ ავთამყოფ ყმაწვილებს ყელზე. ამ დაწერილი ქალაქდის იმედი დიდი აქვს უბრალო ხალხს, მაგრამ ეს ქალაქდის მის ავთ-მყოფებს ვერას შეველის.

აქაურს ხალხში ძალიან გავრცელებულია სხვა-და-სხვა ამაოდ მორწმუნებანი და ჩვეულებანი. სხვა-და-სხვა ჩვეულებათაგან შესანიშნავია ერთი ჩვეულება ბერძენ-ბოლგართა. წირვაზე სამსხვერპლო პურისაგან დანარჩენ ნაწილებს დაანაწილებენ და წირვის დროს, შემდეგ «მამაო ჩვენო»-ს წაკითხვისა, მღვდელი აკურთხებს ამ ნაწილებს და იტყვის: «ჩა მეთუ შენი აწის სუფეკა, ძალი ღ დიდება და სხე. და

შემდეგ განტყვების ხალხი მიიღებს ამ ნაკურთხს პურს მღვდლისაგან. ამ ნაწილებს ისეთი მოწიწებით იღებენ, როგორც წმიდა ზიარებას. მე ძალიან გამაკვირვა ამ წესმა, მით უმეტეს, რომ ამ გვარი არა მოიძებნება რა მართლ-მადიდებელი ეკკლესიის ტიპიკონში. მე გამოვეკითხე ერთ ბოლგარელ ბერს ამის შესახებ და მან აი რა მიაბო: «ეს სამახვერპლო პურის ნაწილები, რომლებსაც კურთხევის შემდეგ მივიღებთ როგორც წმიდა ზიარებას, არიან ღვთის მშობლის ხორციო. როგორც წმიდა ზიარებაში მოიპოვება იესო ძრისტე, ისე ამ ნაწილებში ღვთის-მშობელიო. რადგან ღვთის-მშობელი დედა იესო ძრისტესი, ამიტომ საჭიროა, რომ წირვის დროს როგორც ძრისტე, ისე მისი დედაც მოიპოვებოდეს წირვაშიო. მართო ყოფნა ძრისტესი არ შეიძლებაო და წირვაც სრული არ იქმნებაო.» ბევრი ამისთანა უბრალო ჩვეულებანი მოიპოვებიან აქაურ ხალხში და კაცი არა ჰყავთ, რომ ასეთ ჩვეულებათა ნამდვილი მნიშვნელობა განუმარტოს ხალხს.

ქართველი.

შორაპნის მახრილამ.

სოფლის ხალხს რომ ყველგან უქვიმობით საქმე აქვს გაჭირვებული, ამას, ვგონებ, დიდი დამტკიცება არ სჭირდება. ჩვენს ერთ სოფელში, დილიკაურში მოვიდა ერთი ვილაცა სპარსეთელი სომეხი, რომელიც დიდ ექიმობას იჩემებს და აძლევს წამალს ავთ-მყოფებს. ეს ექიმი ყოველ ნაირი ავთ-მყოფის მორჩენას კისრულობს, მაგრამ სამწუხარო ის არის, რომ ყველას ატყუებს და არც ერთი არ მოუჩინია ჯერ-ჯერობით. ავთ-მყოფების ექიმობას გარდა ის იჩემებს ბებიობასაც.

მრთ გლენს ძ—ს დაუწვა ლოგინათ ცოლი. დედა-კაცი სულ თექვსმეტ-ჩვიდმეტი წლისა იყო. სოფლის ბებიებმა ვერაფერი უშველეს მელოგინეს, რადგან ბავშვი არ იბადებოდა რიგიანად. დაუძახეს ამ მატყუარა ექიმს. ამანაც ძლიერ გამოიჩინა თავი ამ შემთხვევაში. წააგლო ბავშვს ფეხში ხელი და ისე მაგრად დაჰკრა ხელი, რომ ბავშვს თავი მოსწყდა და მართო ტანი შერჩა ხელში. პირველად ბავშვი

უთავო ეგონათ; მაგრამ ბოლოს მიხედნენ, რომ თავი მოწყვეტილი ჰქონდა ბავშვს და დარჩენილი თავის ადგილას. ღაიბარეს მუთასილამ ექიმი და ძლიერ გადაარჩინეს საწყალი მშობიარე დედა-კაცი სიკვდილს. ამ გამოჩენილს «აკუშორზე» საქმე დაწყობილია და ენახათ, რით გათავდება!..

შორაპნელი.



ს ა ი ს ტ ო რ ი ო მ ა ს ა ლ ა .

ვარძიის მონასტერი.

1156—1212 წ.

(გაგრძელება *).

ეკკლესიის მარტუნა კედელზე გამოხატულია: (გამარჯვში) ღვთის მშობელი მკდომარე, ხელში უზურია ძე ღვთისა, მარჯვენის ხელით უზვენებს ძესა თვისსა მის წინაშე სამეფო გვირგვინით მდგომარე საქართველოს უდიდებულეს მეფეთა: გიორგი III ხელ-აღბურთობით და ასულსა მისა თამარს ხელში უჭირავს ვარძიის შჯანი. მთა ზ ბაში გამოკვეთილნი ტამარი ზ სუნაეპი. მეფეთა შემოთ მფარველი ანგელოზის, —ქრისტე დემოტირ აკურთხებს მათ ჯვარის დასახვით. ამათი გვერდით არის მეფეთა ქალის ზ კაცის სურათები, უნდა იყოს რუსუდან ზ ლაშა გიორგი.

ამავე მხრით, მეფეთა სურათებისკენ კედლის, განყოფილებაში არის ერთი შატრავ ძველი ეკკლესია, შიგნითი სივრძე აქვს ერთი საყენი, განით არის ორი ქართული ადგი. ამასი, ტრანსპეზის წინ ამოკვეთილია ორი სასაფლაო ერთი ერთმანეთის გვერდით ზ მიწით არიან ამოკსებული.

ჯავახეთის მოხუცნი მათი წინა-შატრავის გადმოტე-მით მოგვითხრობენ, რომ ამ შატრავ ეკკლესიაში უნდა იყვნენ დასაფლავებულნი: გიორგი ზ ასული მისი თამარ-მეფე. (დღესაც არაინ იტის ნამდვილად, თუ სად არიან ისინი დასაფლავებულნი). ჯავახეთელების მოთხრობას სოგიერთი საფუძველი აქვს: ა) გიორგის განსაკუთრებით ყურადღება ჰქონდა მიტყეული თავის სადგომის ვარძიის

*) იხილეთ «მწყემსია», № 6.

გამშენიერებაზე; ბ) ეს ზატარა ეკლესია, შიგნით ეკლესიაშივე მეთეთა სურათებისგან, ამტკიცებს, რომ ორი ვინმე დიდი პირი უნდა იყოს აქ დასაფლავებული; გ) გიორგის ეს ადგილი უყვარდა, მისი სამყოფიც აქ იყო, ჯ უნდა ვიფიქროთ, რომ შემდეგ გარდაცვალებისა, აქ დასაფლავებდნენ მას. ესეც უყვარსთვის ტხადია, რომ მამის საყვარელს ადგილს ჯ სასაფლაოს შიგნით არ ჭკარგავს ხოლმე. ძველს დროში ამ ჩვეულებას უფრო ზატყვას სცემდნენ და შიგნით მამის აკლდამში იმარსებოდა.

ამ სასაფლაო ეკლესიის გარეთ, მარცხენა კედელში არის ერთი სასაფლაო მიწით ამოკსებული. უნჯ ეს სასაფლაო იყო: მეთეკოსტანტინე II ძმა გიორგი VII ჯ მკბაგრატი V სს. 1414 წ. იხილე «ვანუშტია» 339 გვერდი, სადაც ამ მეთეის დასაფლავებას ვარძიაში მოიხსენებს.

დიდ ეკლესიას აქვს მარცხნით ორი კამარა: ერთი სამკვეთლათვის, მეორე კანკელის პირ-და-პირ, ზემოთ ნახსენები სასაფლაო, ეკლესიისთვის ჯ სხვა ამ მხრის გამოკვეთილთათვის სასათობელად. აქ ერთი ფარული გზა, შიგნიდან სამოც საყენზე ამოჭრილი, კიბით მიდის ზევით სენაკებში. მეორე, ჩრდილოეთ დასავლეთით, ეკლესიის გარეშე და მესამე პირ-და-პირ ზევით, მთა ამოჭრილია ჭკარისთვის ჯ მით არც წაშლილა ამდენი ხნის ძველი მხატვრობა. კანკელი ახალია, ჯ სრულად შეუფერებელია ვარძიის დიდებული ძველ ხელოვნებასთან.

პირველ-ნახსენებ ბჰის მარცხნით არის შესავალი კარი ჯ ფარული გზა, მთაში გამოკვეთილი, ოც-ჯ თორმეტი (32) საყენზე, აქეთ-იქეთ გამოჭკაბულებით მიდის იმ წყაროზე, რომელიც სდგას ტბის მსგავსად, იმრგვლივ იქნება სამი საყენი ჯ წყალს იტევს 200 ვედრამდე. წყალი ამ წყაროსა არის კარგი გემოსი ჯ სრულად უწყინარი. ამ წყალს მლოცვანი უწოდებენ: «ანჯრის მოციქულის ნაკურთხს», ქართველები: «აიაზმას». სომხები: «მირონს», თათრები: «ზიარათის». ვეკლას სარწმუნოების ხალხს ეს წყალი მიაქვსთ სასობით. უსუფთაობაში იკარგება, ლოცვით აიაზმის კურთხევით იმატებს ხოლმე. მნახველი უსამთლოთ შიგ ჩაიჭრება.

ეკლესიის გარეშე, ე. ი. აღმოსავლეთ-დასავლეთისკენ გრძლად მდებარეა მთა, შიგდ სართულებად დაყოფილი, აქ შიგდასი სენაკია გამოკვეთილი, ერთის მეორის უბნიდან და სენაკებიდან შიგნით გაკეთებულია ერთი მეორეზე დასავალი ჯ მიმოსავალი ამოჭრილი კიბეებით ფარული გზები.

ყოველი სენაკის გამოკვეთილი (გარდა ზალატის)

თითო ორს-სამს გარესჰის გამოკვეთილს უდრის სენაკებში ზაფხულ გრილსა. ზამთარ თბილსა. შემდეგ სართულშია მარანი, — ქვევრები დღესაც მრთელებია, საწინხლები კი უწინდელ სავენსე სხვა-და-სხვა ალაგებში კლდისგან ამოკვეთილნი ჩამოტყვილან.

ის არის უფრო შესანიშნავი, რომ სამი ვერსტის სიგრძეზე გამოკვეთილია კლდე, რომორც ფარული გზა, ამ გზაზე გაუკეთებიათ მილები; რომლითაც მიმდინარეობდა ხოლმე წყარო. (სათავეში ეს მილები დღესაც არის, მაგრამ იქვე ხეში იკარგება). მილი მიდის დასავლეთ აღმოსავლეთისკენ და შუა ალაგს ჩაუკლის დიდს გამოკვეთილს, ესრედ წოდებულ «თამარ მეთეის დივანხანას» მერმე გაივლის იმ დროის საბაღე ჯ სავენსე ადგილებს და ჩაერთვის მდინარე არტაღანს.

«დივანხანას» აქვს სიგრძე 7 საყენი, განი სამ ნახევარი საყენი. სიმაღლე საყენი ჯ ერთი ქართული ადლი.

ველებში გამოკვეთილია სამი კამარა სავარძელის დასადაბში, თამარ მეთეის. ბჰე მდივანი მოსე სონეის აბდულ-მესხია შავთელის (სამეფო მდივანი იყო). ჩახრუხ-ძისა, ახუ უკვდავი შოთა ზოეტ რუსთაველისა.

ამ «დივანხანას» კარის მარჯვნივ გამოკვეთილია ერთი ზატარა ეკლესია, ჩრდილოეთისკენ, კედელში გამოკვეთილია სენაკი. აქვს ეკლესიაში გამოსასვლავი ფანჯრის სახით. მეთე თამარი წირვა ლოცვას ისმენდა ამ სენაკიდან, სამჯვარს დროსაც თვალ ყურს ადევნებდა, ასრე რომ სახეს არ აჩვენებდა ხოლმე. რომორც ამას თავიანთ წინაშართ გადმოცემით მოგვითხრობენ.

ვარძიაში არის თორმეტი სხვა-და-სხვა ეკლესიების ნანგრევი. ერთ ამთგანში, დასავლეთისკენ გამოკვეთილია მშენიერი ძველი მხატვრობა. სწორეთ მხასველს სიცხოველე მისი მოიყვანს სასობაში ჯ თან ცრემლს მოგვრის, რადგან შიგნით ჯ გარეთ მხატვრობათათვის თვალები თათრებს ხანჯლის წვერით ამოუჩინებიათ.

ამ ეკლესიის შესავალ კარის კამარაში დაჩენილია უწინდელი მშენიერი ხეცური ასო მთავრულით ეს წარწერა: «ეს არს ბჰე უფლისა ჯ მართალნი შვეკენ მსმინან»... შემდეგი წარწერები ჩამოტყვილია.

ეკლესიის შიგნით, მარცხენა კედელში დახატულ კამარაში ამოკვეთილია ერთი სასაფლაო ჯ მიწით ამოკსებული; აქ უნდა იყოს იოანე ამილახვარი, რომელსაც აქურ ერთ დიდ ქვასე წარწერა აცხადებს: «ყოვლად წმიდა ვარძიის ღვთის-მომბელო, ადიდე ორთავე შინს ცხოვრებასა დიდისა ზატრონისა, მსასობელი შენი ზატრონი იოანე ამილახვარი, სასუფეველსა საუყუნესა დაამ-



კვიდრე». ქვა ეს 1857 წელში უბოვნიანთ ვარძიის მთის ნანგრევთა შორის, ქვემო მდინარის შირად, ღ როდესაც ეს მონასტერი შეაკეთეს ერთი ბერძნის თაოსნობით, მაშინ ამოუტანიათ ღ გაუკეთებიათ. ე. ი. ჩაუშენებიათ იმ შესავალ კარის თავზე, რომელიც ჩვენ ზევით ვახსენეთ. ვინც ამისი ისტორია არ იცის, ამ ქვის მეოხებით ვარძიის აღმაშენებელი ეგონება ხსენებული ამილანგარი, როგორც ეს მოუვიდა კიდევ ერთ «ვისმე მესხს». მლოცავნი აქაც სასთელს ანთებენ ხოლმე.

«ქობისა» კომიტ. თავს-მგდომარე სემნარიის რექტორი დეკანოზი, პავლე ჩუღუცაი.

ბიბლიოგრაფიული შენიშვნა.

ამ დღეებში ჩვენ ვახსენეთ ერთი გამოცემა ფრანგულს ენაზე. ეს გამოცემა ეკუთვნის ფრანგულს ბ. რაფაელ ბერნულის და დაბეჭდილია ზარაყში 1875 წ. წიგნს ეწოდება სახელად «სვანეთი» და შეიცავს 400 გვერდამდე. დაბეჭდილია მშვენიერად. წიგნში აღწერილია სვანეთის ხალხის ახალი დროის ცხოვრება, მათი ზნეობითი მხარებები, ეკონომიური და გეოგრაფიული მდგომარეობა სვანეთისა. აღწერილია აგრეთვე საწმინთოება სვანებისა წიგნში მრავალ ადგილს არის მოხსენებული ბ. დიმიტრი ბაქრაძის ნაწერები სვანეთის შესახებ, რომლებსაც, ნაწერებს, წიგნის ავტორი დიდის ჰატივის ცემით იხსენიებს. გარდა ბატონი დ. ბაქრაძის ნაწერებისა, წიგნის შემადგენელს უსარგებლია ბ. რადდეს ნაწერებითაც სვანეთის შესახებ. წიგნში დაბეჭდილია მრავალი სურათები. აქ მშვენიერად არიან დახატულნი სვანეთის ჩაბნელებულნი ხეები, მადალი მთები კლდეები და მდინარეები. წიგნში აგრეთვე დახატულია სვანეთის ხალხთა ტიპები და ყველა ესეები დიდის ხელგანებით არიან შესრულებულნი. დახატულნი არიან აგრეთვე ინგურის მთა, დალიანის ციხე და სვანეთის მთავრის ძველი სასახლე. დახატულნი არიან მრავალი ეკლესიები, როგორც გარეგანი შესედელობით, აგრეთვე შინაგანი მათი მოწყობილებებით. ამ წიგნში დახატულია იესო ქრისტის ჯვარცმა, რომელსაც გარშემო ყვავილები აქვს. არის დახატული მაცხოვარი, რომელსაც ჯვარი უკავია ხელში და მოციქულებს აძლევს. გარდა ამებისა ამ წიგნში და-

ხატულნი არიან ერთი დიდი ჯვარი და მრავალნი ხატები, რომელთაც მშვენიერი ხუცური ასოებით წარწერებიც აქვს. დახატულია ერთი ქალი, რომელსაც ტანი თევზისა აქვს და თავი კი ქალის და თავზე ადგია გვირგვინი.

ზემოთ მოხსენებულ სურათებს გარდა წიგნში ჩართულია იმერეთის, რსეთის და კახარდოს სამძღვრები და ბოლოში ჩართულია რუკა ამ ქვეყნებისა. წიგნში ბევრი ცნობებია მოყვანილი თამარ დედოფალზე. ეს ლექსები თამარზე შეკრებილნი არიან სვანეთში და გადათარგმნილნი ფრანგულს ენაზე. ამისთანა ლექსებს ამ წიგნში მთელი ოთხი გვერდი უკავია. ყოველ ტაბში თამარია მოხსენებული.

იმედი არის, რომ ამ წიგნში დახატულ სურათებს და ცნობებს უფრო ვრცლად გააჩვენებ ისინი, რომელთაც ფრანგული ენა კარგად იცის.

ახალი ამბავი და შენიშვნები.

მ. თბილისში მანერის თთვეში დიდის ამბით დაუსაფლავებით განსვენებული ადოლფ ბერჟე. ბ. ბერჟე ძავეკასიის არქეოლოგიური საზოგადოების თავს-მგდომარედ იყო. მას დიდი შრომა და ღვაწლი მიუძღვის «ძავეკასიის აქტების» გამოცემაში. ამანვე მიიღო განსაკუთრებითი მონაწილეობა ბატ. დიმიტრი ბაქრაძისაგან შედგენილს საქართველოს ეკლესიების აღწერათა გამოცემაში და მან, ბერჟემ, ვრცელი წინა სიტყვაობა უძღვნა ამ გამოცემას. მს აღწერა შესანიშნავი გამოცემაა; ბოლოში მას ჩართული აქვს რამდენიმე სურათები და მთლად გამოცემა ღირს შეიდი მანერაი. 1878 წელში განსვენებულმა ბერჟემ დაბეჭდა ვრცელი სტატია «რუსკი სტარინაში» შემდეგი სათაურით: «როგორ შეუერთდა საქართველო რუსეთს». მს ბერჟეს წერილები იმ დროს რუსულს გაზეთ «მზორშიაც» გადმობეჭდეს. მანსვენებულის დასაფლავებაზე დიდ-ძალი ხალხი დაესწრო. მკლესიაში ნემცების პასტორმა რუსულს ენაზე წარმოთქვა სიტყვა. მს პასტორი კარგათ განათლებული კაცია, მაგრამ ერთი ცუდი ჩვეულება აქვს: მიცვალებულს თავის ღღეშა ფეხით არ გაჭყევება. ზის ფაეტონში და ისე მისდევს მიცვალებულს,

როდესაც სხვა ხალხი ფეხით მისდევს. ბერყვს დასაფლავებამდედაც ასე მოიქცა. მთელი ობილისის დიდ-კაცობა ფეხით მიჰყვებოდა მიცვალებულს და პასტორი კი ფაეტონით.

რა ერთგულნი შემწირველნი არიან ინგლისელები თავიანთ მკვლევების სასარგებლოდ, ეს ცხადათ სჩანს მათი შეწირულების რაოდენობიდან. წარსული ოც-და-ხუთი წლის ანგარიშიდან სჩანს, რომ წეტის მეტყველების მაღალ სასწავლებლების სასარგებლოდ შემოსულა შეწირულების სახით ხუთას ოც-და-რვა ათას ექვსას ორმოცდაც ცამეტი გირვანქა სტერლინგი (სტერლინგი ათი მანეთი არის). მკვლევების და საეკლესიო სახლების შესაკეთებლად შეუწირავსთ ოც და-თუთხმეტი მილიონი, ას სამოცდა-თხუთმეტი ათასი გირვანქა სტერლინგი. სახელმწიფო შინაგან მისიონერების სასარგებლოდ შემოსულა შვიდი მილიონ ნახევარი გირვანქა სტერლ. გარეშე სახელმწიფოს მისიონერების სასარგებლოდ შემოსულა ათი მილიონი და ასი-ათასი გირვანქა სტერლინგი. სამრევლო სკოლების სასარგებლოდ შექმოსულა ოც-და-ერთი მილიონი და ნახევარი გირვანქა სტერლინგი. სხვა და-სხვა საქველ-მოქმედო დაწესებულებათა და საქმითა სასარგებლოდ შემოსულა სამი მილიონი და რვაას თრამეტი გირვანქა სტერლინგი. სასულიერო წოდების შესაწევნელად შემოსულა ორი მილიონი და ას-სამი ათასი გირვანქა სტერლინგი. სულ, ამ სახით, შემოსულა შეწირულება ოც და-ხუთი წლის განმავლობაში ოთხმოცდი მილიონი გირვანქა სტერლინგი, ანუ ჩვენებური ფულით რომ ვიანგარიშოთ უმეტესი რჯასი მილიონი მანეთისა, ესე იგი, ოც-და-თორმეტი მილიონი მანეთი ყოველ წლობით!

რამდენად მაღალი ადგილი უჭირავს ინგლისის სამღვდლოებას ხალხში და პატივს სცემს მას ყველა წოდების და მდგომარეობის ხალხი, ეს ცხადათ სჩანს იქიდან, რომ ამ უკანასკნელ დროს ინგლისის სახელმწიფოს პირველმა მინისტრმა ბლადსტონმა თავის ქალიშვილი მიათხოვა ეკლესიის ერთ ახალგაზდა წინამძღვარს ბარონ ღრიუს.

მეირვეინის კურთხევაზე დაესწრენ ბევრი საპატიო პირები და მინისტრები.

მღვდელი ტაბიძე გვთხოვს, რომ შემდეგი მისი წერილი დაებეჭდოთ «მწყემს»-ში: «წარსულს წელში

მეწია უბედურება: ყოველივე შენობა დამეწვა. ღვრჩი უნუგეშოთ. ჩემი თხოვნით მისმა ყოვლად უსამღვდლოესობამ იმერეთის ეპისკოპოსმა ბაბრიელმა ჰქნა განკარგულება ბლადოჩინებზე, რომ ყოველ სამღვდლო პირს, შეძლებისა და გვარად, შემწეობა აღმოეჩინა ჩემთვის; მაგრამ მე დღემდის მხოლოდ სამი ბლადოჩინისაგან მივიღე ამ გვარი შემწეობა, რისთვისაც მათ დიდს მადლობას ვსწირავ. აგრეთვე ვსთხოვ ყველა ჩემ თანამოაძმეთა, რომ, თუ რამე აქვსთ ჩემ სასარგებლოდ შეკრებილი, გამოამიგზავნონ. ბევრისაგან, ვაიგე, რომ ზოგიერთ საბლადოჩინობებში კიდევ მოუტკრებიათ ამ გვარი შეწირულებანი, მაგრამ მე კი დღემდისაც არაფერი მიმიღია მათგან».

სოფლის ჭევიშის წმიდის გიორგის ეკლესიის მღვდელი სტეფანე ტაბიძე.

უკანასკნელი დღეების ზოგიერთი საყურადღებო

ტელეგრაფები.

25 ფებერვალს

პეტერბურგი. გამოცხადებულა უმაღლესი ბრძანება, რომ მოიჭრას კერცხლის ფული 6,000,000 მანეთისა.

სამხედრო ტომოვრანის სასწავლებლისა და «უხუბნოი კამანდის» მაგიერ დაწესებულ იქმნება ერთი სამხედრო ტომოვრანის სასწავლებელი.

ევანგელო-ლუტერანის სამრევლო და სავალდებულო სკოლები ლიფლანდიისა, სოფლის სასწავლო სკოლები ესტლანდიის და კურლიანდიის გუბერნიებისა, აგრეთვე საოსტატო სემინარიები სამის უკომსსენებულის გუბერნიისა უნდა ამას იქით ექვემდებარებოდნენ საერო განათლების სამინისტროსა.

სტამბოლი. დიდთა სასჯელმწიფოთა მომეტებულმა ნაწილმა ჰასუსი გაუგზავნა ჰორტას და მოუწონა ციხეუღიანი შესსებ ოსმალ-ბოლგართა მორიგებისა. ამასვე მოკლავს დანარჩენ სასჯელმწიფოთაგან. იქედან, რომ კონჭერენცია მომავალს კვირასში შეიურება.

27 ფებერვალს

ვინა რადგანაც ვენციის არე მარეში დიდი ხალე-
რა გაჩენილა, ამიტომ იტალიადამ ანკონამდე მიმავალ-
მაგალთათვის შეიღის დღით კარანტინი დაუყენებიათ.

28 ფებერვალს

კამბრბურბი. «Journal de St-Petersbourg»-ი
დაბეჭდით ამბობს, რომ იმ კვირეა შესდგება სტამ-
ბოლში კონჭერენცია ელჩებისა, რათა ანობონ პორტას,
რომ დიდნი სასეკმწიფონი თანხმანი არიან ოსმალ-
ღვართა მოციგებისა, რომელიც ისე ექმნა შეცვლილი.
როგორც რუსეთმა მოითხოვა. როცა ორგანებური სტა-
ტუტი აღმოსავლეთის რეპელიისა გადისინჯება, მაშინ
სელ-ასლად იქნება კონჭერენცია.

«Новое Время» გვაუწყებს, რომ პრინცმა ალე-
ქსანდრე პეტრეს-ძემ ოლდენბურგისა ივისრა და თავის სათა-
სით გამართა პეტერბურგში ლეიფ-ხირურგის კრუგლეკსკის
თაოსნობით სამკურნალო ცოფის ანრისათვისა. ამ კრუგ-
ლეკსკის პარიეში შეუსწავლია, როგორ აჩვენს პასტერი
დაცოფიანებულებს. პეტერბურგში ჯერ მადლებს აუცრიან
ცოფისა და ამ გზით შეიტყობენ პასტერის მეტოდა მო-
ჩენისა როგორ სცადონ კაცებზედაცა.

მღვდელთა საპუკადლეზოდ.

მრავალი წესდებულებანი და სახელმძღვანელო წიხები
გვაქვს მღვდლებს, რომ შეეცდომილად და კანონიერად ვას-
რულებდეთ ჩვენს მოვალეობას; მაგრამ ყველა ეს წესდებულებანი
და სახელმძღვანელონი კიდევ ახსნას და განმარტებას
იხსოვენ, რადგან სამღვდელოებას არა აქვს ყველა ესეები
კარგად განმარტებული. ამისათვის ერთ ნაირად არ ასრულე-
ბენ ზოგიერთ მღვდელ-მოქმედებას და თავისებურად ხსნიან ზო-
გიერთ კანონებს და სწავლას. ამის დასამტკიცებლად ჩვენ
მოგვყავს მღვდლის იოსებ ჩიტაძის მონაწერი წერილი: «ჩვენ,
მღვდლებს, ამბობს მ. ი. ჩიტაძე, გვაქვს სასულიერო კონსის-
ტორიათა ინსტრუქციები და სხვა და-სხვა სახელმძღვანელო
სწავლა დარიგებანი, მაგრამ, სამწუხაროდ, ყველას ერთ ნაი-
რად არ გვესმის ესეები და ხშირად ის, რაც ერთ გვარად
უნდა სრულდებოდეს ყველა მართლ-მადიდებელ ეპატლესიაში
სხვა-და-სხვა ნაირად სრულდება. სამღვდელოების ერთ შეკ-
რებილებაზე ჩამოვარდა საუბარი ტარიგის დანაწილებაზე
ხალხთა საზიარებლად. სამღვდელოებაში გამოჩნდნენ მრავალნი
პირნი, რომელნიც ამტკიცებდნენ, რომ შემდეგ სული წმიდის
მოწოდებისა ყველა ნაწილები, რომელნიც ტარიგს გარდა

ოთხი სეფისკვისაგან ამოიღებინ, შეიცვლებინ პარტოსან
ქრისტეს სორცად და ამიტომ შეიძლება მათიაც ზიარება.
გონოვთ, მ. რეტაქტორო, განმარტოთ ეს კითხვა უმანლობე-
ლეს «მწყემისს» ნომერში და მით გამოიყვანო ზოგიერთი
მღვდლები გაჭირვებისაგან.

ჩვენ დაგებდეთ წარსული წლის «მწყემისს» მე 6 №-ში
მოკლე განმარტება ტარიგის დანაწილების შესახებ. შემდეგ
ჩვენ ბევრ მღვდელთან შეგვხდენია საუბარი ამ საგნისავე
შესახებ და საჭიროდ ვრაცთ კიდევ ვსთქვათ ამ კითხვის გან-
მარტების შესახებ ორიოდ სიტყვა. ცნადათ და გარკვევით
არის დაწერილი ამის შესახებ დარიგება მღვდლისათვის კონ-
დაში. იქ სწერია: «და განიყოფის ტარიგი იგი ოთხ ნაწი-
ლად და დაიდების ფეარის სახედ ფეშუმზე. პირველი ნაწი-
ლი, რომელზედაც აწერია ი ე ს ო, შთაისვენების ბარძიმში.
მეორე ნაწილი, რომელზედაც აწერია ქ რ ი ს ტ ე, განი-
ყოფის იმდენად, რამდენიც არიან მწირველნი, ესე იგი,
მღვდელნი და მთავარ დიაკონნი და ისინი ამით ეზიარებინ.
ორი ნაწილი, რომელზედაც აწერია ძ ლ ე ვ ა დაინაწილე-
ბიან იმდენად, რამდენიც მღვდელს ეგულება მაზიარებლები
და ამ ნაწილებით ეზიარებინ ყველანი. სხვა ნაკვეთი ნაწილე-
ბი ღვთის-მშობლის, ცნრა სხვა, ცოცხალთა და გარდაცვალე-
ბულთა ხალხის ზიარებამდის ფეშუმზე უნდა დაშონ და შემ-
დეგ ზიარებისა, ჩასვენდენ ბარძიმში. ამ ნაწილებით ხალხის
ზიარება არ შეიძლება,

ქალენდარული ცნობები.

ქვეყნის შექმნილად არის გასული შვიდი ათას
სამას ოთხმოცდა ოთხმეტე წელი.

ქრისტეს აქეთ არის ათას რვაას ოთხმოცდა
ექვსი წელიწადი.

ქელი ინდიტონი არის ქეთოთხმეტე.

ჩუპ წლის ზედნადები არის ერთი.

მთვარის მოქცევა—სამი

ათცხრაშეტური — ათი.

მზის-მოქცევა — ორი.

სელთა — ორი.

ქორე კვირა დიდი მარხვისა არის ცნრა მარტს.

ამ კვირას არის ხმა ქორე, საცისკრა სახარება ქვათე.

ქესამე კვირა ჯვარის-თაყვანის ცემისა შესვლება

მარტის თექვსმეტს რიცხვს. ამ კვირას არის ხმა ქესამე

და საცისკრა სახარება ქეთექვსმეტე.

სარება შესვლება დიდ-მარხვის შესუთე კვირისაგეში

სამშაბათს დღეს.
ზობა — აწრილის ექვს.

წმიდა ადდგომა — აზრილის ცამეტს.
 მადლება — მასისის ოც და ოცს.
 სულის წმიდის მოსვლა — იგნისის ჰინჯელს.
 ჰეტრეპავლობის წინ დაუწვევა — იგნისის რგას.
 ჰეტრეპავლობის მარხვა ორი კვირა ჯ ექვსი დღეა.

შ მ წ ი რ უ ლ ე ბ ა .

ბლალოჩინის მღვდლის ბიორგი ბერიძისაგან ჩვენ მივიღეთ ერთი თუმანი ობილისის სასულიერო სემინარიის ღარიბ მოწაფეთა დამხმარე «ქმობის» სასარგებლოდ.

ეს ფულები შემოწირეს შემდეგ პირთა:

	მან.	კაპ.
თანაშემწემ ბალ. მლ. ანტონ რევიამ —	1	
— ბლ. მლ. ბესარიონ კურუამ —	1	
მღვდელმა გიორგი შალამბერიძემ —	50	
— მარკოზ შალამბერიძემ —	50	
— გიორგი სილაგაძემ —	50	
— ოქროპირ შომახიძე —	50	
— დავით გაგუამ —	50	
— ისიდორ ასათიანმა —	50	
— ნიკოლოზ ჩინლაძემ —	50	
— ივანე კუნალაშვილმა —	50	
— ვასილი ჩინლაძემ —	50	
— ეგნატე ხურცველაძემ —	50	
— გრიგორი ახალაიამ —	50	
— ანტონ ჩინლაძემ —	50	
— გიორგი გაბისონიამ —	50	
— ანტონ ოდიშარიამ —	50	
— ნიკოლოზ ძიმისტარაშვილმა —	50	
— ივანე რურუამ —	50	

სრულიად 10 მ.

შესდომის განწორება.

«მწყემსი» ს მე 5 № მი შეწირულებათა სიაში შეცდომით იყო დაბეჭდილი: დუკანოზმა იესე სისორდიაშ მესწირა ერთი მანეთი, უნდა იყოს: ორი მანეთი, ბოლოს გამოყვანილია: 17 მ. და 40 კ. უნდა იყოს: 27 მ. და 40 კ.

განცხადება. ნარკვეული ინგლისურთაჲს

მიიღება ხელის მოწმარა 1886 წლისათვის მართულ სამკალესიო გაზეთს „მწყემსი“ და „მწყემსი“-ს რუსულ დაგატებაზე.

მიზანი და დანიშნულება გაზეთისა: 1 შეატყობინოს სამღვდლო და საერო წოდებას ყველა განკარგულება და მოქმედება უმალესთა სასულიერო და საზოციელო მართებლობათა, კონსისტორიათა და მღვდელ-მთავართა, რომელთა გამოცხადება შესაძლო იქნება; 2 გააერცელოს ქართველთა სასულიერო წოდებაში და ხალხში სალიტერატურო სწავლა და ცოდნა საეკლესიო და საზოგადოებრივი ცხოვრების კითხვათა გამო; 3 გააერცელოს საქართველოს სამღვდლო და საერო წოდებაში სწავლა და მეცნიერება ქრისტიანობრივი კეთილი ზნეობისა და სარწმუნოებისა და 4 აუხსნას და განუმარტოს სამღვდლო დასაეკლესიო მოსამსახურე პირთა ზოგიერთი საეკლესიო კითხვები, რომელთა ცოდნა მიუცილებელ საქიროებას შეადგენს მათთვის მტკიცედ მათიმოვალეობის ასრულებისათვის.

ბაზთი «მწყემსი» გამოვა თვეში სამჯერ, თორმეტი გვერდი და ხან-დისხან თექვსმეტიც.

რუსული დამატება „მწყემსი“-სავე პროგრამით და მიმართულებით გამოვა თვეში ორჯერ, ორ ფურცლამდე თითო ნომერი.

გაზეთის ფასი: ერთი წლისა გაგზავნით და გაუგზავნელად — ხუთი მანეთი, ნახევარი წლისა — სამი მანეთი.

„მწყემსი“ რუსული დამატებით — ექვსი მან. ნახევარი წლით — ოთხი მან.

ცალკე რუსული დამატება წლით — სამი მან. ნახევარი წლით — ორი მან.

გაზეთის ფულის და ყოველ გვარი წერილების გაგზავნა შეიძლება რედაქციაში ამ ადრესით: *Во мѣстечко Квирцхета, Во редакцію „Мѣстечко“ (Пастырѣ).*

რედაქცია იმყოფება დაბა შორაპანში რედაქტორის საკუთარს სახლში.

შ ე ნ ი მ გ ნ ა :

ყველა სტატიები და კორესპონდენციები, რომელნიც რედაქციაში იქმნებიან გამოგზავნილნი დასაბეჭდათ, უთუოდ ვრცლად და გასაგებად უნდა იყვნენ ავტორთაგან ხელ მოწერილნი.

შინაარსი: ძნელი დრო დაგვიდგა და რა ზომები უნდა ვიხმაროთ ხალხში ზნეობის ასამაღლებლად. — ობილისი-დამ. — სენაკის მაზრიდამ. — ადრიანპოლიდამ. — შორაპნიდამ. გარძიის მონასტერი. — ბიბლიოგრაფიული შენიშვნა. — ახალი ამბები და შენიშვნები. — ტელეგრაფები. მღვდელთა საყურადღებოდ კალენდარული ცნობები. — შეწირულებანი. — განცხადება.

Дов. цензурою Кутаись, 3 Марта 1886 г.
 Скоропечатня Зедгинидзе и Перадзе въ Кутаисѣ.

რედაქტორი-გამომცემელი მდ. დ. ღამასაძე.
 მსწრაფლმბეჭდავი ჟიკვინიძისა ჯ ფერაძისა.